

KANTON SARAJEVO
Stručna služba za zajedničke poslove
ul. Reisa Džemaludina Čauševića br.1

(u daljem tekstu: Kupac)

i

"TRIAB" d.o.o.
ul. Alipašina bb, Bare-Šip,
71 000 Sarajevo

u daljem tekstu: Prodavac)

zaključili su

UGOVOR **o kupoprodaji motornog vozila**

Član 1.

Predmet ovog ugovora je nabavka i isporuka motornog vozila za potrebe Kantonalne uprave za inspeksijske poslove Kantona Sarajevo za LOT 1 – putničko vozilo srednje klase, prema uslovima **ponude broj: 587/18 od 27.07.2018. godine, zaprimljene pod brojem: 17-14-29151 od 31.07.2018. godine.**

Član 2.

Prodavac prodaje, a kupac kupuje motorno vozilo iz člana 1. ovog ugovora sljedećih tehničkih karakteristika:

- Putničko vozilo srednje klase:

- 1) Marka: Škoda,
- 2) Model vozila: Octavia,
- 3) Tip: Style 2.0 TDI,
- 4) Snaga motora: 110 kW,
- 5) Zapremina: 1968 ccm,
- 6) Gorivo: dizel,
- 7) Broj vrata: 5,
- 8) Boja karoserije: crna sa pearl efektom,
- 9) Mjenjač: manuleni,
- 10) Broj sjedišta: 5,
- 11) Pogon: prednji,
- 12) Godina proizvodnje: 2018. godina.

Član 3.

Ugovorena cijena vozila iz člana 1. ovog ugovora sa plaćenom carinom i PDV-om iznosi:

Ukupna cijena bez PDV-a	38.871,62 KM
PDV 17 %	6.608,18 KM
Ukupna cijena sa PDV-om	45.479,80 KM

Slovima: (četrdesetpetiljadačetiristotinesedamdesetdevet i 80/100 KM).

Član 4.

Fakturisanje utvrđene ukupne vrijednosti motornog vozila iz člana 3. ovog ugovora Prodavac će izvršiti na **Kantonalu upravu za inspeksijske poslove Kantona Sarajevo**.

Član 5.

Plaćanje utvrđene ukupne vrijednosti motornog vozila iz člana 3. ovog ugovora Kupac će izvršiti u roku od 60 dana od dana potpisivanja ovog ugovora i izvršene isporuke vozila.

Član 6.

Prodavac se obavezuje da će isporuku vozila iz člana 1. ovog ugovora, a u skladu sa tehničkim karakteristikama iz člana 2. ovog ugovora izvršiti u roku od 7 dana, od dana potpisivanja ovog ugovora.

Prodavac se obavezuje da će vozilo isporučiti franco Sjedište kupca u ul. Reisa Džemaludina Čauševića 1, Sarajevo ili na lokaciji Kantona Sarajevo koju odredi Kupac.

Član 7.

Prodavac daje garanciju za isporučena vozila kako slijedi:

- 1) garancija na motor 4 godine,
- 2) garancija na karoseriju 12 godina,
- 3) garancija na boju 3 godine.

Prodavac se obavezuje da će ukoliko se ustanove kvarovi u garantnom roku iste otkloniti najkasnije za 45 dana, a ako kvar ne otkloni u ovom roku, zamijenit će vozilo novim bez naknade.

Član 8.

Ugovorene strane su saglasne da Kupac prilikom primopredaje vozila sačini zapisnik i isti dostavi Prodavcu.

Član 9.

Kupac se obavezuje da će o svim uočenim nedostacima na vozilu bez odlaganja pismeno obavijestiti Prodavca.

Član 10.

Ugovorne strane su saglasne da se jednostrani raskid ovog ugovora može izvršiti zbog neispunjenja ugovornih obaveza ili bilo koje zloupotrebe Ugovora od strane Ugovornih strana.

Ukoliko jedna od ugovornih strana ne izvrši ugovorene obaveze dužna je drugoj strani nadoknaditi svu štetu nastalu zbog neizvršavanja ugovorenih obaveza.

Jednostrani raskid ugovora obavezno se izjavljuje pismenim putem.

Član 11.

Sve eventualne sporove proistekle iz ovog ugovora ugovorne strane su saglasne da će rješavati sporazumno.

Ukoliko se ne postigne sporazumno rješenje, ugovorne strane su saglasne da je za rješavanje spora nadležan sud u Sarajevu.

Član 12.

Prodavac nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

Član 13.

Ugovor stupa na snagu danom potpisivanja od strane ovlaštenih lica obje ugovorne strane.

Član 14.

Ovaj ugovor je sačinjen u 5 (pet) istovijetnih primjerka od kojih 3 (tri) primjerka pripadaju Kupcu, a 2 (dva) primjerka Prodavcu. .

KUPAC
KANTON SARAJEVO
Stručna služba za zajedničke poslove

Načelnik

broj: 14-27534-15
Datum: 14.09.2018. godine

PRODAVAC:
TRIAB d.o.o.

Direktor

Broj:
Datum: